

Tohi Tapu ma'ae fanau
'oku fakahoko

Ko e 'Uluaki
Toetu'u



Tohi 'e: Edward Hughes

Tā Fakatātā 'a: Janie Forest
Alastair Paterson

Fakalahi 'e: Lyn Doerksen

Liliu 'e: www.christian-translation.com

Produced by: Bible for Children
www.M1914.org

©2020 Bible for Children, Inc.

Laiseni: 'Oku ke ma'u 'a e totonu ke hiki pe paaki 'a e talanoá ni,
ka 'oku 'ikai ha'o ngofua ke ke fakatau atu ia.



Na'e tu'u 'a e fefiné
'i he ve'e mo'ungá,
'oku longoa'a, pea'okú
ne sio ki ha me'a
fakaloloma mo'oni.
Kuo pekia 'ene tamá.
Ko e fa'ē ko Mele
pea ko 'ene tu'u
'o ofi atu ki he
feitu'u na'e
tutuki 'a Sīsū
ki he kolosí.





Na'e anga fēfē 'a e
hoko e me'a ní? Ko e hā
kuo fakangata faka'ulia ai
'a e mo'ui faka'ofo'ofa 'a
Sīsū? Ko e hā kuo
fakangofua 'e
he 'Otuá ke
tutuki 'a Hono
'Aló ke pekia 'i
he kolosí? Na'e ma'u
hala 'a Sīsū? Na'e
tōnounou e 'Otuá?





'Ikai! Na'e 'ikai ke
tōnounou 'a e 'Otuá.
Na'e 'ikai ke ma'u hala 'a
Sīsū. Na'e 'osi 'afio'i 'e
Sīsū 'e tamate'i Ia. 'I
he kei si'i 'a Sīsū na'e
talaange 'e Simione kia
Mele 'e 'iai ha ngaahi
fakamamahi 'i he kaha'ú.



'I he ngaahi 'aho ki
mu'a pea tamate'i 'a Sīsuú,
na'e ha'u ha fefine 'o ne
tākai 'a e lolo 'i he va'e
'o e 'Eikí. Na'e lāunga e
kau akonga, "Oku ne
maumau'i e pa'angá." Na'e
folofola ange 'a Sīsū, "Oku ne
fai ha ngae lelei. Kuo tōmu'a ha'u
ia ke tākai hoku sino ki hono tanu."



'I he hili pē 'eni, na'e alea
leva 'a Siutasi, ko e taha ia
'o e kau akongá 'a Sīsū ke
ne lavaki'i 'a Sīsū ki he kau
taula'eiki lahi ka nau
totongi ange 'a e konga
siliva 'e tolungofulu.






'I he katoanga 'o e Lakaatú, ko e
'ilo faka'osi ia 'a Sīsū mo 'Ene kau
akongá. Na'á ne vahevahe ange ha
ngaahi me'a faka'ofo'ofa fekau'aki
mo e 'Otuá pea mo 'Ene ngaahi
tala'ofa kiate kinautolu 'oku 'ofa
'iate Ia. Pea 'oange 'e Sīsū 'a e mā
mo e ipu ke nau vahevahe ai. Ko e
ngaahi fakamanatu eni kiate
kinautolu 'oku
foaki 'a e sino
mo e ta'ata'a
'a Sīsū koe'ahi ke
fakamolemole'i 'enau
ngaahi angahalá.



Pea peheange 'e Sīsū ki he'Ene kau akonga 'e lavaiki'i Ia, pea te nau hola meiate Ia. Ne peheange 'e Pita, "He 'ikai te u teitei hola." Pea folofola ange 'a Sīsū, "E te'eki ai 'u'ua 'a e moa 'i he pō ní ka 'e liunga tolu ho'o fakafisi'i au."





'I he pō ko ia, na'e
'alu 'a Sīsū ki he
Ngoue 'o Ketisemaní
ke lotu. Na'e tō 'a e
kau akonga 'o mohe.
Na'e lotu 'a Sīsū 'o
pēhē, "Ko 'eku Tamai
... kapau 'e fa'a fai pea
'ave 'a e ipu ní meiate
au. Ka 'oua na'aku
fa'iteliha, kae fai pē
Ho'o finangalo."



Fakafokifā pē kuo laka atu ha kakai
toko lahi, 'oku taki mai 'e Siutasi.

Na'e 'ikai ke taliteke'i 'e Sīsū ka na'e
maumau'i 'e Pita 'a e telinga 'o e taha
e kau tangatá. Na'e hanga 'e Sīsū
'o faito'o 'a e telinga 'o e
tangatá. Na'e 'afio'i 'e
Sīsū ko hono puke'i
ko e konga pē ia 'o e
finangalo 'a e 'Otuá.



Na'e 'ave 'e he putunga kakai 'a Sīsū ki he 'api
'o e taula'eiki lahi. Na'e tala ai 'e he kau taki 'o e kau
Siú 'oku totonu ke mate
'a Sīsū. Ofi mai ki ai,
na'e tu'u 'a Pita mo
e kau taimaio'eiki.




Na'e liunga tolu 'a e pehē mai 'a e kakai kia Pitá,
"Na'á ke kau mo Sīsū!" Pea na'e liunga tolu hono
fakafisi'i 'e Pita, 'o tatau
pē mo hono tala 'e
Sīsū. Na'e a'u pē ki
he lea kovi 'a Pita.



'u'ua 'a e moa ta'ané

Pea kuo 'u'ua e moa.
Na'e hangē 'eni ko e
le'o 'a e 'Otuá. Na'e
manatu'i leva 'e Pita 'a
e folofola ange 'a Sīsū,
'o ne tangi mamahi.





Na'e loto tautea mo
Siutasi. Na'á ne 'ilo na'e
ta'e halaia 'a Sīsū. Na'e
fakafoki atu 'e Siutasi 'a
e ngaahi konga siliva 'e 30
ka na'e fakafisi'i ia 'e he
kau taula'eiki.






Na'e hanga 'e
Siutasi 'o lī 'a
seniti, 'o ne hū ki
tu'a 'o no'oua ia.



Na'e hanga 'e he kau taula'eiki
'o 'omi 'a Sīsū kia Pailato, ko e
kōvana Lomá. Na'e peheange 'e
Pailato, "Oku 'ikai ke 'ilo ha kovi
'i he tangatá ni." Ka
na'e kaila mai 'a e
kakai, "Kalusefai
ia! Kalusefai ia!"



Faifai atu pea 'ulutukua 'a Pailato 'o ne tu'utu'uni ke tutuki 'a Sīsū ki he kolosí. Na'e hanga 'e he kau sōtia 'o tuki 'a Sīsū, mo 'ā'anu kiate Ia, mo tā Ia. Na'á nau ngaohi ha tātā talatala 'o lomi hifo ki hono fofonga ko ha kalauní. Pea nau toki tutuki ia ki ha kolosi 'akaú ke pekia ai.



Na'e 'osi 'afio'i pē 'e Sīsū 'a e founга 'e mate ai. Na'á Ne toe 'afio'i foki 'e 'omi he'ene pekia 'a e fakamolemolé ma'ae kau fai angahala 'e falala kiate Iá. Na'e kalusefai foki mo ha ongo tangata hia. Na'e tui e tangata hia 'e taha kia Sīsū, pea ne 'alu leva ia ki Palataisi.



I he hili ha ngaahi houa 'o e mamahi
faka'ulia, na'e folofola 'a Sīsū,
"Kuo 'osi," pea Ne pekia.
Na'e lava 'a 'Ene taumu'a.
Na'e hanga 'e ha
ngaahi kaungame'a
ofi 'o tanu e sino
'a Sīsū 'i he
fonualotó.



Na'e le'ohi 'e ha
kau tau Loma 'a e
fonualotó. Na'e 'ikai
lava ke hū atu pe hū
mai ha taha.



Kapau na ko e ngata'anga 'eni
'o e talanoá, pehē tokua ko
ha talanoa langa'imamahi
mo'oni. Ka 'oku fakaofo
'a e ngaue 'a e 'Otuá.
Na'e 'ikai ke nofo
mate ai pē 'a Sisū!




Pongipongi hake he 'uluaki
'aho 'o e uiké, na'e ma'u mai
'e ha kau akonga 'a Sīsū,
kuo teka'i e maka 'o
e fonualotó. 'I
he'enua vakai atu
ki lotó, kuo 'ikai
ke 'iloa 'a Sīsū.



Na'e nofo 'a e fefine 'e taha, 'o tangi 'i he ve'e fonualotó. Na'e hā atu ki ai 'a Sīsū! Na'á ne fakatōvave fiefia ke ne tala ange ki he kau akonga. "OKU MO'UI 'A Sīsū! KUO TOE TU'U 'A Sīsū MEI HE MATE!"





Fuoloa si'i mai ai, ne ha'ele mai 'a Sīsū ki he
kau akonga, 'o ne fakahā 'a e ngaahi
faka'ilonga 'o e fa'ó 'i hono ongo nima. Na'á
Ne fakamolemole'i 'a Pita he'ene fakafisi'i
Ia, pea ne fekau'i 'Ene kau akonga ke nau
tala kihe kakai kotoa pē 'o kau kiate Ia.



Ko e 'Uluaki Toetu'ú

Ko ha Talanoá mei he Folofola 'o e 'Otuá,
ko e Tohi Tapú

'oku ma'u ia 'i he

Mātiu 26-28, Luke 22-24,
Sione 13-21

"Ko e hū mai 'a Ho'o Folofolá 'oku ne 'omi 'a e
maamá." Saame 119:130





Ko e
Ngata'angá



Ko e talanoa ko 'ení 'oku fekau'aki ia mo ha 'Otua fakaofo
na'á Ne ngaohi kitautolu pea 'okú ne 'Afio ke ke 'ilo'i Ia.

'Oku 'afio'i 'e he 'Otua kuo tau fai ha ngaahi me'a 'oku kovi, 'a ia
'oku Ne ui ko e faiangahala. Ko e fua 'o e faiangahalá ko e mate ka
na'á Ne 'ofa pehe 'iate koe na'á Ne fekau mai hono 'Alo ko Sisú ke
Ne pekia he kolosí mo fua ho ngaahi angahalá. Hili ko iá, ne toe
tu'u 'a Sisú pea Ne foki ki 'api, ki Hevani. Kapau te ke tui kia Sisú
'o kole kiate Ia ke Ne fakamolemole'i ho ngaahi angahalá, te Ne
fai ia! Te Ne nofo 'iate koe, pe te ke nofo mo Ia 'o ta'engata.

Kapau 'okú ke tui ko e mo'oní ení, lotu 'aki 'eni kihe 'Otuá:
'E Sisú, 'oku ou tui ko e 'Otuá koe, pea na'ake hoko ko ha tangata
ke Ke pekia koe'uhí ko 'eku ngaahi angahalá pea 'okú Ke toe mo'ui.
Hū mai mu'a ki hoku mo'uí pea fakamolemole'i hoku ngaahi
angahalá koe'uhí ke u ma'u ha mo'ui fo'ou pea 'iai ha 'aho ke
u nofo ai mo Koe 'o ta'engata. Tokoni mai ke u muimui kiate
Koe 'o mo'ui ma'au ko ho tama si'i. 'Emeni.

Lau e Tohi Tapu 'o talanoa mo e 'Otua he 'aho kotoa! Sione 3:16

